

# 國民 文獻 分類 編續

國家圖書館出版社

民國文獻類編續編

歷史地理  
卷

938

民國時期文獻保護中心  
中國社會科學院近代史研究所  
編

民國文獻類編續編

歷史地理  
卷  
938



民國時期文獻保護中心  
中國社會科學院近代史研究所 編

國家圖書館出版社

大陸圖書公司 編

中華名勝古迹大觀續編（三）

大陸圖書公司，一九二四年出版

# 第九三八冊目錄

中華名勝古迹大觀續編(三)

大陸圖書公司編

大陸圖書公司，一九二四年出版……………一



上海

大陸圖書公司印行



# 中華名勝古蹟續編目錄

## 第十一編 浙江

### 一 錢塘……………一一一九

玉皇山 雲泉山 水樂洞 呼猿洞 子謙墓 三烈士墓 臨平山 臨平湖

西山 東山 占鰲塔 九鐵牛 惠力寺 淨妙寺 覺王寺 西巖山 申屠山

孫鍾墓 天柱山 徑山 天目山 玲瓏山 九仙山 衣錦山 玉仙洞 吳

越王墓 石柱山 西菩山 仙坑山 千頃山 幻居庵 古銅如來像 曝書亭

東園 魏忠節祠 石帆山 金粟寺 千瑩墓 道場山 何口山 西塞山

建橋亭 趙孟頫故里 顧渚山 石壁山 塔山 蔭山 碧臨 六洞橋 天池

廟

### 二 會稽……………一九一四一

中華名勝古蹟 第十二編 目錄

二

大梅山 阿育王山 天封塔 密雲塔 慈湖 姜西溟故里 隱潭 靈巖山  
龍洞 靈石 會稽山 法華山 雷門 雲門山 夏禹陵 陸游故里 王守仁  
墓 大山 石巖山 覺苑寺 五洩山 鐵厓山 祭忠臺 靈緒山 明塘湖  
鳳鳴山 蘭芎山 東山 白馬湖 剡山 金庭湖 三懸潭 沃洲山 天姥山  
石城山 括蒼山 玉峴山 龍公嶼 芙蓉洞 二徐墓 三峯山 赤城山  
瀑布山 銅壺滴漏 國清寺 真覺寺 高明寺 大佛寺 拜經臺 銅殿 合  
掌巖 萬年寺 善興寺 萬安院 圓風臺 方孝孺故里

三

金華

四一—四八

洞巖山 紫霞山 方巖山 陳亮讀書處 石龍潭 劉巖 寶掌山 福民山  
王質遇仙處 趙抃宅 龍邱山 白巖 目蓮洞 孤高亭 羨山 金紫峯 瑤  
林洞 一指石 方干故里 謝翱墓 靈巖山 大悲巖 慶雲山

四

甌海

四八—五八

赤水山 東山堂 讀書堂 南明山 溪雨亭 石門山 方山 浣紗溪 劉基墓 仙都山 玉蓮山 湖山 靈泉洞 新嶺鳳凰山 疏華山 大滌 福全山 鰲山閣 西滌山 天冠峯 鐵城嶂 靈雲寺 淨名寺 燕尾瀑 石門潭 聽詩叟巖 老僧巖 龍鼻洞 羅漢洞 石梁洞 龍湫 王十朋墓 南雁蕩山 白雲山

中華名勝古蹟 第十一編 目錄



# 中華名勝古蹟續編

## 第十一編 浙江

### 一 錢塘

#### 玉皇山

玉皇山在杭縣。與鳳凰山相近。巔有玉皇宮。山腰有七星缸。鐵質。外鑄符籙。排列如北斗星狀。以杭垣多回祿。清雍正時。總督李衛從形家之言。特置之以鎮壓火警者也。

#### 雲泉山

雲泉山在杭縣南二十里定山之西楊村。一名壘山。有二洞。上洞曰風水洞。以炎暑時颼颼有風。故名。中多石子。紅點如硃。持出卽隱。置於內如故。

#### 水樂洞

水樂洞在杭縣南高峯西煙嶺霞下。虛幻空曠。泉水清甘。左發右瀉。聲如金石。宋熙寧二年。守鄭獬名曰水樂。今洞口有隸書清響二字。不知何人所鐫。洞旁有寺曰水樂。又名點石庵。中有缸曰萬年。相傳初以尋常之缸嵌於石。歲月深遠。乃與石合。因名。

呼猿洞

呼猿洞在杭縣靈隱山下。廣丈許。高二尺。宋僧智一善嘯。嘗養猿於山間。臨澗長嘯。衆猿畢至。好事者每來施食云。

于謙墓

于謙墓在杭縣西三臺山麓。明成化二年於墓側建祠。曰旌功。每秋月杭人蠲潔於祠中。祈夢最驗。祠有王陽明聯云。一赤手挽銀河。君自大名垂宇宙。青山埋白骨。我從何處哭英雄。一按謙字廷益。明錢塘人。永樂進士。宣德初授御史。累官兵部左侍郎。瓦剌入寇。英宗北狩。郕王監國。遷兵部尙書。徐理

倡議南遷。謙厲聲折之。守議遂定。時中外洶洶。獨倚重謙。景帝遂敕謙提督各營軍馬。瓦剌兵逼京師。謙身督諸軍力戰却之。論功加少保銜。瓦剌因遣使議和。卒還上皇。謙之力也。後英宗復位。謙爲石亨輩所誣。論棄市。籍沒。成代初復官。宏治初加太傅。謚忠愍。萬歷中改謚忠肅。清王景彝嘗作詩云。一人將忠肅方忠武。我道明宗似宋宗。留下西湖雙憾事。老僧憤打夕陽鐘。蓋慨乎言之也。

### 三烈士墓

三烈士墓在杭縣孤山東。墓毘連起三頂。中爲徐烈士錫麟。兩旁一爲陳烈士伯平。一爲馬烈士子畦。咸有石碑。三烈士皆紹興人。倡革命而死者也。相近有竺烈士紹康墓。及南京陣亡將士墓。

### 臨平山

臨平山在杭縣東北臨平鎮。一名梁王山。亦稱邱山。唐嘗置臨平監於山下。

山平曠逶迤。無崇岡修阜。上有龍洞。世傳古時龍見於洞。宋高宗南渡。嘗避難於此。山下有淬石。俗稱錢王磨劍石。

臨平湖

臨平湖在臨平山下。本名東湖。吳赤烏二年。寶鼎現於湖。因名鼎湖。宋謝翱沈文天祥綠端蟬腹視於鼎湖。卽此。

西山

西山在海寧縣東北六十里。一名硤石山。下有硤石鎮。唐白居易嘗登此。名之曰紫微山。（居易曾官中書舍人。中書省唐嘗改爲紫微省。故名。）有紫微洞。登眺臺。白水泉。百步石。盤陀石。諸勝。並有唐章孝標留題上方山詩。暨宋右班殿直監澈浦鎮稅兼煙火局樊世卿書紫微山兩石刻。山有四景。曰紫微春曉。西寺煙鐘。丹井流霞。鶴亭仙洞。

東山

東山在海寧縣東北六十里硤石鎮。東接海鹽縣界。以宋臨海南陽二郡太守沈景葬此。又名沈山。有試箭嶺。觀海峯。唱石岩。冷雲窩。萬石窩。石屋洞。智標塔。顧况讀書臺。天眼泉。眠雲石。眠牛石。諸勝。山有六景。曰。碧雲夕照。智塔穿霄。書巖疊翠。劍池寒潭。東岳霽雪。北亞晴巒。齊海鹽令周顒嘗登山謂其林境清麗。亞於鍾山。故山北一名北亞山。北亞晴巒卽在於此。舊曾有周顒宅。上說六景與西山四景並。南山之桃源著雨。南湖之南湖夜月。號爲硤石十二景。

### 占鰲塔

占鰲塔在海寧縣大東門外。高十五丈。廣九丈六尺。明萬曆四十年建。登頂遠眺城市歷歷全收眼底。

### 九鐵牛

九鐵牛在海寧縣。清雍正八年。總督李衛鑄五頭。乾隆六年。巡撫張若震鑄

四頭。

惠力寺

惠力寺在海寧縣硤石鎮。山門外幢石有唐白居易題名。寺內有迴文壁。砌紋如織。歷年久遠而不損壞。相傳爲公輸神迹。

淨妙寺

淨妙寺在海寧縣周王廟地方。寺殿側有北齊武帝永明時海魚肋骨一事。長十餘尺。歷年一千四百數十歲。固亦一古物矣。又有大銀杏二株。乃宋理宗嘉熙時所栽。

覺王寺

覺王寺在海寧縣長安鎮。距滬杭甬鐵道長安站可半里。舊名正覺。有三國吳帝孫權第三女魯育墓。墓甬相傳可作硯。

西巖山

西巖山在富陽縣北三十里。山壁峻峭。瀑布飛流其間。自左而下。地平如掌。風環水繞。奇秀插天。當篠嶺大路之西。岩下有洞。洞口有池。早晚與潮應。有葛洪煉丹鼎。山下有石扣之鏘然。人號石鼓。

### 申屠山

申屠山在富陽縣西南五十餘里。高三百丈。峯巒重疊。端若拱揖。湍水怪石。千巧萬狀。中有平田。如設萬席。漢申屠剛。申屠璠皆結廬於此。後其子孫家焉。

### 孫鍾墓

孫鍾墓在富陽縣陽平山。鍾富春人。性至孝。種瓜爲業。嘗有三少年詣鍾乞瓜。謂鍾曰。此山下作家。當出天子。君下山百步許。顧見我去。即可葬也。鍾去三十步。便反顧。見三人並成白鶴飛去。鍾志之。及卒。葬焉。墳上嘗有紫雲。蔓延數里。人謂孫氏其興矣。後其孫堅爲吳郡別駕。堅之子權稱吳帝。與蜀魏